



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ  
ՎԱՐՉԱԿԱՆ ԱԿՏ N 1513731  
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ  
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

16 սեպտեմբերի 2021թ.

ք. Երևան  
(կազմման վայրը)

**Ակտի հասցեատեր**

**«Ռունագ» ՍՊԸ**

(անհատ ձեռնարկատերի անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	5	5	3	1	3	1	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

**ՀՀ, Շիրակի մարզ, ք. Մարալիկ, 7 փ., 7**

(անհատ ձեռնարկատերի հաշվառման հասցեն կամ իրավաբանական անձի գրեկվելու վայրի հասցեն)

**Խախտման նկարագրությունը**

ՀՀ ՊԵԿ ՀՕԿ վարչության պետի 16.08.2021թ. թիվ 1513731 որոշման համաձայն «Ռունագ» ՍՊԸ -ի (այսուհետ՝ Ընկերություն) նկատմամբ իրականացվել են օպերատիվ - հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 2021 թվականի օգոստոսի 19-ին ժամը 11:45-ին Ընկերության կողմից, «Կամագ» մակնիշի 06 LS 344 պետհամարանիշի մեքենայով (վարորդ՝ Սանասար Ստեփանյան), Ընկերության Շիրակի մարզի Ռունագի պենզային տուֆերի հանքավայրի Ռունագ տեղամասից իրականացվել է ընդհանուր 456 000 ՀՀ դրամ արժեքով 11.4 խոր. մետր տուֆի մեծաբեկորների մատակարարում «Մոդուս գրանում» ՍՊԸ-ին, որը տեղափոխվում էր Արարատի մարզի Սուրենավան գյուղի տարածքում գտնվող քարի մշակման արտադրամաս՝ առանց համապատասխան ուղեկցող փաստաթղթի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ 19.08.2021թ. ժամը 12:25-ի դրությամբ ընդհանուր 456 000 ՀՀ դրամ արժողությամբ ապրանքների մատակարարման համար Ընկերության կողմից դուրս գրված չի եղել համապատասխան ուղեկցող փաստաթուղթ:

Փաստաթղթերի և իրերի հետազոտման արդյունքում պարզվել է, որ վերոնշյալ մատակարարման համար Ընկերության կողմից ուշացումով՝ 19.08.2021թ. ժամը 12:44-ին դուրս է գրվել F6125356716 հաշիվ-վավերագիրը:

Թիվ 1513731 արձանագրությամբ 19.08.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 02.09.2021թ. նշանակված վարչական

վարույթի լուծումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ընկերության կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմել է 456 000 ՀՀ դրամ, որի 50 տոկոսը կազմում է 228 000 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 228 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

### Որոշեցի

1. Հաշվարկել և «Ռունազ» ՍՊԸ -ին գանձման առաջադրել 228 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	228 000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

**ԻՎ պետ Ա. Մնացականյան**

Վարչական ակտն ընդունող պաշտոնատար անձի  
պաշտոնը, անունը և ազգանունը

ստորագրությունը

Կ.Տ.

**Ստացա ակտի մեկ օրինակը**



**ընդամենը 3 էջ**

**տնօրեն Արսեն Վասիլյան**

Ֆիզիկական անձի անունը, ազգանունը  
(անհատ ձեռնարկատիրոջ դեպքում՝ անհատ  
ձեռնարկատեր նշումով) իրավաբանական անձի գործադիր  
մարմնի ղեկավար (գրագրության ընդունման համար  
պատասխանատու անձ՝ հարուկ առաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)